

ЭРДЭНЭ РЕСУРС КАНАДЫН ЭКСПОРТ ХӨГЖЛИЙН АГЕНТЛАГТАЙ БАЯН ХӨНДИЙ АЛТНЫ ТӨСЛИЙН САНХҮҮЖИЛТИЙН БАРИМТ БИЧИГТ ГАРЫН ҮСЭГ ЗУРЛАА

Хэвлэлийн мэдээ

Нова Скошиа муж, Халифакс хот
2020.11.05

Эрдэнэ Ресурс Девелопмент Корпораци (TSX:ERD; MSE:ERDN) ("Эрдэнэ Ресурс" эсвэл "Компани") нь Канадын Экспорт хөгжлийн агентлаг ("EDC")-тай Монгол Улсын баруун өмнөд бүсэд орших Баян Хөндий алтны төслийн хөгжүүлэлтийн хүрээнд 55 сая ам.доллар хүртэл зээлийн санхүүжилтийг төвлөрүүлэх зорилт бүхий баримт бичиг ("Mandate letter")-т гарын үсэг зурсныг мэдээлэхэд таатай байна. EDC-ийн санхүүжилт нь 2021 оны хоёрдугаар улиралд нарийвчилсан судалгааг хийж гүйцэтгэснээр эцэслэх нөхцөлтэй.

Тодруулга:

Эрдэнэ Ресурсийн ерөнхийлөгч ба гүйцэтгэх захирал Петер Акерли: "EDC-тэй хамтран баталгаажуулсан зээлийн санхүүжилтийн баримт бичиг нь Баян Хөндий алтны төслийн хөгжилд нэгэн чухал ахиц боллоо. EDC нь Монгол болон олон улсад уул уурхайн төслүүдийг дэмжсээр ирсэн байгууллага. EDC болон манай томоохон хувьцаа эзэмшигчдийн нэг Европын Сэргээн Босголт, Хөгжлийн Банкны оролцоо нь төслийн байгаль орчин, нийгмийн үйл ажиллагааны стандартыг хамгийн өндөр түвшинд байлгаж, Монголын болон олон улсын нийт оролцогч талуудын үр өгөөжийг нэмэгдүүлэхэд чухал ач холбогдолтой.

"Төслийн нарийвчилсан загварчлал, хөгжүүлэлтийн хуваарь болон худалдан авалтын үйл ажиллагааг эрчимжүүлэн, үйлдвэрлэлийн үе шат руу чиглэх бүтээн байгуулалтад бэлдэх ажлууд эрчимтэй өрнөж байна. 2022 онд үйлдвэрлэл эхлэхээс гадна Хөндий Алтны Дүүргийн хэмжээнд нөөцийг нэмэгдүүлэх хайгуул судалгааны ажлууд ч хийгдсээр байна." хэмээн танилцууллаа.

Санхүүжилтийн баримт бичиг

55 сая ам.доллар хүртэл зээлийн санхүүжилтийг Баян Хөндий алтны төслийн хөгжүүлэлт, бүтээн байгуулалт болон эргэлтийн хөрөнгөд зарцуулна. Энэхүү санхүүжилт нь техник, хууль эрхзүй, нийгэм болон байгаль орчны нарийвчилсан судалгааг хийж гүйцэтгэх, зээлийн тохиромжтой нөхцөлүүдийн гүйцэтгэл, зээлийн эцсийн баталгаа болон холбогдох бичиг баримтуудыг хүлээн авснаар баталгаажна.

Компани нь төслийн санхүүжилт болон үйл ажиллагааны мөнгөн гүйлгээнүүдийг харилцан уялдаатай байлгахад анхаарч төслийн зарцуулалт болон бусад зардлуудад хяналт тавин ажиллаж байна.

HCF International Advisers (Санхүүгийн зөвлөх) ба McInnes Cooper LLP (Төслийн хуулийн зөвлөх) компаниуд Эрдэнэ Ресурсийн зөвлөхөөр ажиллаж байна. Зээлдүүлэгчид Fasken Martineau LLP (Хуулийн зөвлөх)-тэй хамтран ажиллаж байна.

Канадын экспорт хөгжлийн агентлаг

Канадын экспорт хөгжлийн агентлаг (EDC) нь Канад Улсын компаниудыг дэлхий дахинд амжилттай үйл ажиллагаа эрхлэхэд тусламж үзүүлэхэд чиглэдэг төрийн өмчит санхүүгийн корпораци юм. Олон улсын эрсдэлийн шинжээчийн хувьд EDC нь компаниудад шаардлагатай худалдааны мэдлэг, санхүүжилтийн шийдэл, үнэт цаас, даатгал зэрэг бизнесээ өргөжүүлэхэд нь шаардлагатай арга хэрэгслээр хангадаг. Энэ нь тогтвортой, хариуцлагатай бизнесийн үйл ажиллагааг дэмжих амлалт гэж тодорхойлогддог. Нэмэлт мэдээллийг 1-800-229-0575 эсвэл www.edc.ca хаягаар авах боломжтой.

Компанийн тухай

Эрдэнэ Ресурс Девелопмент Корпораци нь Монгол Улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад Улсад бүртгэлтэй хайгуулын компани юм. Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн террейнд байрладаг. Эрдэнэ Ресурс нь Монгол Улсын баруун өмнөд хэсэгт, өдгөө Хөндий алтны дүүргийг нээн илрүүлээд байна. Компани нь Монгол Улсын баруун урд бүсэд 10 гаруй жил хайгуул судалгааг хийн, өндөр агуулга бүхий алт, алт суурь металлын хэтийн төлөв бүхий талбайнуудыг нээн илрүүлснээс хөгжүүлэлт хийх боломжтой хэмээн Баян Хөндий, Алтан Нар ордуудыг тодорхойлсон. Компани нь 2 хайгуулын, 3 ашиглалтын тусгай зөвшөөрөл эзэмшдэг.

Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт www.erdene.com -оос авч танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээлэл авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон захзээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

Энэхүү хэвлэлийн мэдээ нь англи хэл дээр бэлтгэгдсэн хэвлэлийн мэдээний орчуулга болно. Англи, монгол хувилбаруудын хооронд зөрүү эсвэл зөрчилдөх зүйл гарвал англи хэл дээрх хувийг мөрдөнө.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон гүйцэтгэх захирал
Роберт Женкинс, Санхүү хариуцсан захирал

Утас: (902) 423-6419
И-мэйл: info@erdene.com
Twitter: <https://twitter.com/ErdeneRes>
Facebook: <https://www.facebook.com/ErdeneResource>
LinkedIn: <https://www.linkedin.com/company/erdene-resource-development-corp-/>
YouTube: <https://www.youtube.com/channel/UCILs5s9j3SLmya9vo2-KXoA>